Mi j'sus qu'un rigolo, un wèpe du 8-0
Din toutes chés soérèes, peut qu'mantcher,
A peine j'sus-t-arrivè, chés fius sont pliès,
Oh, pi chés filles!
Seur, j'les foais rigoler, mais point eune qui
pinsroait
A m'donner un bout d'sin tchoeur
Toudi boin qu'à foaire el'zozo,
Mi j'sus juste qu'un rigolo
L'grind amour... rbèe ailleurs!

Mi j'sus qu'un rigolo, un wèpe du 8-0, Pi din toutes mes ramintuveries, Quand j'foais mes discours, Rimplis d'mots d'amour, Meume chol vaque al rit! Du coeup j'ai tout mantchè, J'n'ai jamoais tatchinè Reubeudeubeuh Eune ablète o eune seuris! Quante j'm'in vos défuncter, J'srai coér lo à m'laminter, El belle vie... vit sans mi! 'coute cho!

Aïe... Chl'amour mie pour mi! Oui min fiu, ni l'matin ni l'midi, Ni l'lundi ou l'sinmdi!

Aaaaa... cht'eure j'sus tout rfroédi, Pi tout est gris, gris seuris. Vingt diux, mi j'n'in vodroais Eune, qu'ale s'roait plus à mi Qu'à zz'eutes, nom des eus!

Pi j'li cantroais! Pour elle seulmint Toutes mes canchons, Canchons d'imbleyeux, Canchons de d'grind fléyeux (Qu'ale font): Hey biloute, quante cha flotte, mets des bottes

Aie.... Chl'amour mie pour mi, Oui min fiu! Ni dins l'cour, ni l'gardin

Ni au soér ni l'matin... Ni l'lundi ni l'sinmdi, Jamoais chés diminches... Ni quant il pleut, edssous ch'solé, Jamoais d'tindreche, oh peut qu'mantcher!

Humalé Dabélé Zubélé Dibili Bop!!

Aie.... Chl'amour mie pour mi, Oui mn fiu, Ni dins l'cour, dins ch'gardin Ni au soér, ni l'matin...

Aaaaa... cht'eure j'sus tout rfroédi, Pi tout est gris, gris seuris. Vingt diu j'n'in vodroais bien Eune, qu'ale s'roait plus à mi Qu'à zz'eutes, nom des eus!

Pi j'li cantroais pour elle seulmint Toutes mes canchons Alors al sroait pour mi, Ah oui, ah oui, al sroait pour mi:

Min bieu tchot reuve Em tchote folie Em douche mitan Min Safari Min tchot bout d'chuque Min tchot pingeon Min clair éd leune Min coeup d'cotron!

Mi j'comprind point A coeuse ed quoè ? I n'o point eune Oui veuche m'aimer

Feut qu'ej fuche quoè ? J'nin sais mi rien Dev'nir boudhiste ? Minger du tchien ?

Chuis point l'plus moche Chuis point l'plus bête Tout simplémint Feudroait pétète Feudroait seulmint Qu'j'arrête ed veuter à droète!

Juste qu'un rigolo

=

Just a Gigolo